

道

藏

第八册

通藏

李一氓



文物出版社
上海書店
天津古籍出版社

图书在版编目(CIP)数据

道藏/上海书店出版社编. —上海:上海书店出版社,
1988.3(2005.6重印)

ISBN 7-80569-528-8

I. 道... II. 上... III. 道藏—影印本 IV. B951

中国版本图书馆 CIP 数据核字(2000)第 44776 号

道
藏(全三十六册附索引一册)

出
版

世紀出版集團
上海書店出版社

(上海福建中路一九三號)

文物出版社

(北京五四大街十九號)

天津古籍出版社

(天津河西區佟樓三合里)

印
刷

江蘇省金壇市古籍印刷廠

發
行

世紀出版集團發行中心

定
價

柒仟伍佰圓

1988年3月第一版 2005年6月第6次印刷
ISBN 7-80569-528-8/Z·18

目 録

靈寶領教濟度金書三二〇卷嗣教錄一卷(下)

八一

靈寶領教濟度金書卷之一百九十四一百九十五一百九十六同卷

洞微高士開光救苦真人審金具授

靈寶通玄弘教水南先生林靈真編

科儀立成品安宅齋用

早朝行道儀

啓堂頌

各禮師存念如法

衛靈

金真綠霞煥映三天飛雲丹霄諸天控輶
晨輝啓旦陰翳俱捐九微震空五星迴旋
萬仙應感自然妙玄杳冥散景分形億千
玄珠光曜瑞降壇乾生死蒙恩灌煉金泉
魔王敬奉合景三田和與道合真

鳴法鼓二十四通

發爐

无亡三天玄元始三炁太上道君太上老君
召出臣等身中三五功曹左右官使者左右
捧香驛龍騎吏侍香金童傳言散花玉女五
帝直符直日香官各三十六人出出者嚴裝
顯服冠帶垂纓開啓玄壇天帝神君當召此

間土地方域神真臣今早朝陞壇行道謹奉
爲入意其諸丹悃已錄奏聞願得

太上十方至真道炁靈寶瑞光下降流入臣

等身中令臣所啓之誠速達徑御

至真无極大道昊天玉皇上帝御前

請稱法位

具位奉行五土齋醮法事小兆臣某與臨壇
官衆等謹同誠上啓

太上无極大道虛无自然元始天尊太上道

君太上老君昊天玉皇上帝南極天皇帝

北極紫微大帝南極長生大帝東極青華大

帝后土皇地祇九天生神上帝三十二天上

帝五靈五老上帝上清十一曜真皇君南斗

六司真君北斗九皇真君二十八宿星君管

室虛危星君土公土吏蓋屋土司空星君辟

土宮弧矢星君泰玄樞機三省諸相真君北

極四聖真君三元三官帝君祖師列位真君

三洞四輔經錄法部諸省府院司仙靈將吏

五嶽五帝真君五天聖帝洞天福地靖慮治

化仙真主宰本靖祖玄真師真人經籍度師

真人北陰酆都大帝水府扶桑大帝九壘土

皇君土府五方大帝南離北坎東震西兌四

面方隅禁忌神君本府本縣城隍司主者當

境土地里域真官三界官屬一切威靈臣聞

鴻濛肇胤凝祖炁於无形溟涬開圖散神功

於有象三極主張於經緯萬生索綸於陰陽

无懷大庭之前宮室未備伏羲燧人之後棟

宇斯張上符辰次於天綱下應神方於地紀

循環八卦昭昭休咎之宗錯綜九宮燦燦災

祥之信悉稟女青之詔令共尊大赤之條章

有翼有嚴惟影惟響臣等應圖御錄宣德承

符旌方寸天既勤奉於飯向借盈尺地盡精

進於教陳爰有青詞謹當宣奏

宣詞

按如詞言洞昭真切齋主某仰瞻營室之象

俯推相宅之文肯構肯堂突兀考輦飛之奐

爰居爰處幸勤成鳩偁之功雖本人謀曾繇

帝力念經營之創始暨下筵以告終五炁陶

形幸有起居之喜百靈効命寧无震動之憂

欲永陽居宜昭陰貺之壇璀璨鏘鏘龍簾於九

成蘭篆熒煌煥鳳綰於五鎮叩首清微之主
皈神紫極之尊視聽自民願密罩於雨露禍
福由已期未際於風雲溥家國以同休襲天
人而均慶以今清旦行道請法衆等運茲初
捻上香

願此香煙騰空徑上供養

至真无上道寶天尊臣等皈身皈神皈命五
體投地仰依

太上三尊願以是功德上祝

皇帝陛下伏願乾坤呈瑞河洛昭祥冠帶九

圻化日拱无爲之治金湯萬里仁風歌有道

之長指蒿華以齊齡等滄溟而並福公卿列

嶽光贊

皇國后妃諸王克匡帝業益衍文明之化咸

臻清靜之風今故燒香自皈依

道尊大聖衆至真之德得道之後保天長存

和與道合真

以今清旦行道請法衆等運茲二捻上香

願此香煙騰空徑上供養

无上至真經寶天尊臣等皈身皈神皈命首

體投地仰依

太上三尊願以是功德助流裔主某伏願東

華錫慶高極增齡漱金醴以怡神朱顏不老

度玉符而定命紫宇長春簾櫳之煥日輝輝

庭戶之清風拂拂瑤管秀潤蘭桂光華萃和

炁於一門襲芳猷於百世今故燒香自皈依

經尊大聖衆至真之德得道之後永保安寧

和與道合真

以今清旦行道請法衆等運茲三捻上香

願此香煙騰空徑上供養

至真无上師寶天尊臣等皈身皈神皈命首

體投地仰依

太上三尊願以是功德皈流裔主某家九玄

七祖五族六親已往者朱火登名詣神鄉而

容與見在者青華錄字躋壽域以優游臣等

道俗姻親存亡師友均悟大乘之地同登小

有之天丕闡真機均陶

聖化今故燒香自皈依

師尊大聖衆至真之德得道之後昇入無形

和與道合真

禮方 懺方

臣等今故燒香皈身皈神皈命仰謝

十方无極太上靈寶天尊已得道天真聖衆

至真諸君丈人梵炁天君十鄉神仙諸靈官

今有奉齋法弟子某版築經營土木締紉宜

家宜室肯構肯堂深慮振鑿罔壅堆垛牆壁

山林伐掘池沼塞填上觸天星下侵地宿陰

陽宮卦寧免損傷枝幹方隅動招凌犯積月

閏日雖就康安歷歲周時或生災難非繇玄

陰曷保洪禧因今燒香散花轉經行道祈恩

謝過集福迎祥伏願道炁羅敷靈光煥耀宣

告土府真宰禁忌龍神收斂威凶各安所部

保護宅舍成就吉昌制滅妖邪辟除火盜公

無微擾私有安和孫子繁昌門庭清顯得道

之後升入無形和與道合真

三啓

樂法以爲妻 愛經如珠玉 持戒制六情

念道遠所欲 澹泊正氣停 蕭然神靜默

天魔並敬護 世世享大福

又

鬱鬱家國盛 濟濟經道興 天人同其願

縹緲入大乘 因心立福田 靡靡法輪昇

七祖生天堂 我身白日騰

又

大道洞玄虛 有念無不契 煉質入仙真

遂成金剛體 超度三界難 地獄五苦解

悉歸太上經 靜念稽首禮

三禮

臣等志心稽首禮

太上無極大道

臣等志心稽首禮

三十六部尊經

臣等志心稽首禮

玄中大法師

重稱法位

具位臣某謹重誠上啓

太上無極大道虛無自然元始天尊太上道
君太上老君昊天玉皇上帝南極天皇大帝
北極紫微大帝南極長生大帝東極青華大
帝后土皇地祇九天生神上帝三十二天上

帝五靈五老上帝上清十一曜真皇君南辰
北斗兩曜皇君二十八宿星君營室虛危星
君土公土吏蓋屋土司空星君辟土宮弋矢
星君泰玄樞機三省諸相真君三官四聖五
師真君三洞四輔經錄法部諸省院府獄司
仙靈將吏九壘土皇君土府五方大帝南離
北坎東震西兌四面方隅禁忌神君城隍主
者里域神員三界官屬一切威靈臣聞玉宇
開光法雨普霑於億萬金書啓運玄雲垂蔭
於大千自龍漢以疏芳由鶴鳴而布化蕃釐
密被亶由精稜之通庶愚潛消惟賴槍櫟之
應幽明溥賴今古攸遵凡昭作善之符必沐
降祥之祉今齋主某慶由先運福誕中華相
彼泉原渠渠幸成於夏屋宜其家室熙熙願
樂於春臺深虞召匠營材量徒授役畚鍤震
於岡隴陰忤神靈斧斤入於山林幽淩龍鬼
支干昧月德月空之位方隅錯歲刑歲破之
官天星三萬六千取舍失當地煞一百二十
遷就乖宜致吉慶之渺茫或凶災之鼓動欲
全民欲須仗天休爰殫蟻蟻之忱仰叩龍鸞

之御願霧聖澤曲布德音救土府之官君承
天舒惠勒地司之神吏體道收威遏九良七
煞之殃絕五鬼三符之孽上箒下簞居然夢
寐之安內府外庭展也身心之樂青春宴喜
白日舒遲詩書之世澤無涯芝蘭表表文獻
之天光有耀桑梓欣欣五福備而隴畝雲連
百室盈而倉箱天富蒙如丹禱感荷洪恩上
願覆載清寧儀璘輝煥山靈薦瑞川后呈祥
農桑雨潤於四郊烽燧煙沉於九服蠻夷戎
狄均稽顙於王庭鱗介羽毛悉全生於天性
家多孝悌國富忠良息三塗熱惱之悲遂五
夜起凌之樂則上明
天尊大慈之化下副臣等皈命之誠謹啓以
聞

發願

一念為道四大合德齋主七世父母免脫憂
苦上昇天堂衣食豐足
二念帝王國主道化興隆庠序濟濟皇教恢
弘威儀翼翼普天所瞻民稱太平四夷賓
伏扶惡自滅賢聖日生

三念法師功德大建教化明達俱獲飛仙

四念同志學人早得仙道更相關度

五念九親和睦好尚仁義貴道賤財行爲物

乾

六念損已布施道士及飢寒者天下人民各

得其所

七念蠕動踐行一切衆生咸蒙成就

八念赦貫前生今世罪對立功補過

九念家門隆盛宗廟有人世生賢才

十念專受師經不敢中怠平等一心廣度一

切克獲上仙白日登天拜見太上未成真

入雲車羽駕和與道合真

存神燒香

香官使者左右龍虎君侍香諸靈官當令臣

清旦陞壇行道之所自然生金液丹碧芝英

百靈衆真交會在此香火爐前令臣學道得

道求仙得仙齋官蒙福幽顯霑恩十方仙童

玉女接待蘭煙傳臣向來所啓之誠速達徑

御

至真元極大道昊天玉皇上帝 御前

出堂頌

引至幕

謝師

靈寶領教濟度金書卷之一百九十四

靈寶領教濟度金書卷之一百九十五

洞微高士開光救苦真人竊金真授

靈寶通玄弘教水南先生林靈真編

科儀立成品 安宅 需用

午朝行道儀

啓堂頌

各禮師存念如法

衛靈

丹靈朱火交霞激風赤輪剛運天光八衝

迸威包羅交變萬方流金豁落群魔滅蹤

辟姦破扶明耀元功金符召制躡雲乘龍

謠歌慶會散花太空神化冥運四極安隆

伏御帝前罔有不恭和與道合真

鳴法鼓二十四通

發爐

无上三天玄元始三炁太上道君太上老君

召出臣等身中三五功曹左右官使者左右

捧香驛龍騎吏侍香金童傳言散花玉女五

帝直符直日香官各三十六人出出者嚴裝

顯服冠帶垂纓開啓玄壇天帝神君當召此

間土地方域神真臣今午朝陞壇行道謹奏
爲入意其諸丹悃已錄告聞願得

太上十方至真道炁靈寶瑞光下降流入臣
等身中今臣所啓之誠速達徑御

至真无極大道昊天玉皇上帝御前

請稱法位

具位奉行五土齋醮法事小此臣某與臨壇
官衆等謹同誠上啓

太上无極大道虛元自然元始天尊太上道

君太上老君昊天玉皇上帝南極天皇帝

北極紫微大帝南極長生大帝東極青華大

帝后土皇地祇九天生神上帝三十二天

帝五靈五老上帝上清十一曜真皇君南斗

六司真君北斗九皇真君二十八宿星君營

室虛危星君土公土吏蓋屋土司空星君辟

土宮孤矢星君泰玄樞機三省諸相真君北

極四聖真君三元三官帝君靈寶五師真君

九天諸司真君天曹諸司真君祖師列位真

君三洞四輔經籙法部諸省府院司仙靈將

吏五嶽五帝真君五天聖帝洞天福地靖虛

治化仙真主宰本靖祖玄真師真人經籍度
師真人北陰酆都大帝水府扶桑大帝九壘
土皇君土府五方大帝南離北坎東震西兌
四面方隅禁忌神君本府本縣城隍主者當
境里域真官三界官屬一切威靈臣聞大道

凝玄植天根於五劫至真演妙數聖帝於群
靈皇皇昭臨下之權蠡蠢靈受中之性職履
職載重由宰御之中分陰分陽不離甄陶之
內運帝車於紫極列神座於黃坡枝翰星羅

先後天之乾坤異位官維基布左右隅之離
坎殊方巢居既遠於淳風室處遂園於化日
吉凶昭若隱顯皎然臣等鍊景投關餐霞自
適炳丹青之誓勵志考槃奉金石之詞強顏

出岫庶不孤於陶冶庸克副於承宣肅主青
詞謹當宣告

宣詞

按如詞旨備切忱肅主某切切聚廬奉
考室上棟下宇免風雨之震凌東垣西墉象
星河之鈎紀工程告備輪奐斯張念經之營
之或昧天官日時之向背雖美矣完矣或千

地禁神殺之往來莫居期副於丹忱精禱宜
飯於玄陰潔蠲遂字法象楓庭玉燧三成拱
十極无爲之主寶花四雨降三天浩劫之尊
對咫尺之威顏數方寸之懇款願頌龍綽申
錫鴻禧克延百世之昌爲協五行之教以今

午朝行道請法果等運茲初檢上香

願此香煙騰空徑上供養

至真无上道寶天尊臣等皈身皈神皈命首
體投地仰依

太上三尊願以是功德上祝

皇帝陛下伏願堯靈廣覆舜日齊明八荒昭
文軌之同垂衣御極萬國慕梯航之遠負康

朝元五山鎮地以齊齡八海浮天而並福宗
桃先聖珠旒高拱於紫清藩屏諸王玉葉光

依於皇極今故燒香自皈依

道尊大聖衆至真之德得道之後保天長存
和與道合真

以今午朝行道請法衆等運茲二檢上香

願此香煙騰空徑上供養

至真无上經寶天尊臣等皈身皈神皈命首

體投地仰依

太上三尊願以是功德皈流齋主某伏願圓

清錫蔭方厚凝珍萬景俱融耀門闈之喜氣

一塵不立舒宇宙之休聲青華書不老之名

丹極紀長生之字祖玄超邁驂麟駕以高躋

孫子綿洪登龍門而穩步今故燒香自皈依

經尊大聖衆至真之德得道之後永保長生

和與道合真

以今午朝行道請法衆等運茲三檢上香

願此香煙騰空徑上供養

至真无上師寶天尊臣等皈身皈神皈命首

體投地仰依

太上三尊願以是功德皈流普天率土中夏

外夷戴髮含齒之徒負羽披鱗之類並願時

調玉燭歲慶金穰川泳雲飛遂生生而疾起

覺地耕食聚歛離化而頓悟玄機均證真

常求超輪轉臣等三師四友九族六親登無

漏之薦林辭有為之茅徑今故燒香自皈依

師尊大聖衆至真之德得道之後昇入无形

和與道合真

禮方 懺方

命魔 步虛

三啓

樂法以為妻 愛經如珠玉 持戒制六情

念道遺所欲 澹泊正氣停 蕭然神靜默

天魔並敬護 世世享大福

又

鬱鬱家國盛 濟濟經道興 天人同其願

縹緲入大乘 因心立福田 靡靡法輪昇

七祖生天堂 我身白日騰

又

大道洞玄虛 有念無不契 煉質入仙真

遂成金剛體 超度三界難 地獄五苦解

悉歸太上經 靜念稽首禮

三禮

臣等志心稽首禮

太上无極大道

臣等志心稽首禮

三十六部尊經

臣等志心稽首禮

玄中大法師

重稱法位

具位臣某謹重誠上啓

三清上聖十極高真九天生神上帝五靈五

老上帝辟土孤天宮六曜星君三洞四輔經

錄法部諸省府院仙靈將吏九壘三十六土

皇君五方大帝南離北坎東震西兌四面方

隅禁忌神君城隍主者里域真官三界官屬

一切威靈臣聞幽三凝粹拱清微玄妙之樞

得一分靈贊亦明希夷之化蔚若權衡之有

度昭然網紀之無私經羅四七之常上分次

舍緯綜五三之變下列方隅稟帝憲以御民

生承天符而陶物象襲祥光則千靈薦祉積

盤烝則百怪呈姦非叩九清曷膺五福今齊

主某卜觀并邑爰作室家百堵皆興幸臨茂

之迄就一區自蔽喜版築之有成樂琴書匪

耀於當時薨箕葉期延於奕世猶恐綿延月

喬連巨星壽陟彼岡兮瓦石或盤於吉位鑿

斯池也錐銀或陷於凶方昧清濁而辨方之

差殊亂偶奇而練日之紛揉易臻厄難曷遂

預祥爰上潤於彤宸庶下符於丹悃伏冀雲
開閭閻風動絲綸敷太歲統神之司闡衆熱
秉令之吏收其威照許以禱禳迎將軍豹尾
之貴神驅力士虎頭之戢然水官震動飛壓
火炁之災木位騰驤遙報土輝之聲消千災
於已往迎萬福於方來舉按齊眉宴壺天之
日永扶牀坐膝慶福地之春融永消乖運之
風濤式俟熙朝之歲月百室盈止庶事康哉
允懷化育之恩不負飯依之願上願玄元朗
耀洞輔宣明宇宙清平山河泰定春桑盈於
方野黃龍雲翻書草鞠於園扉綠林風靜百
昌茂育五炁宣寧三途停囚繫之憂五道息
輪迴之苦凡居動植均格熙平則上明
天尊大慈之化下副臣等懇禱之誠謹啓以
聞

發願

一願大道澹泊虛无安閑空寂澄清自居廣
開法門教導頑夫皆蒙惠澤精苦自修願
以同學普得升虛與天相保長存無憂
二願諸天結炁澄清高虛廣獲保真固靈氣

候調節四運和平國安民豐普天開寧廣
濟一切惠達有生保天長存億劫不傾
三願土地厚載無窮安平不陷海淪不崩保
鎮家國兆民興從養生安死惠周十方禾
稼滋植營運日豐歲得承載萬類皆從

四願日月二景高明無有孛蝕虧盈安清光
照諸天洞消暗冥保固劫運世祚和平普
加潤澤惠灑衆生

五願星辰與日齊光轉燭照耀朗映十方各
安其位經緯直行保鎮家國無有災傷四

海寧一普天興昌

六願四時隨節推遷景氣和調無有災惡疫

毒消滅普天安平五穀豐熟國富民歡

七願浮雲結炁聚煙飛空高澄蔭覆玄玄隱

則無為散則彌天神仙同居結友衆真惠

流一切興國愛民普濟群生人同劫年

八願風雨流灑無窮普加施泄受其發揚萬

物滋生國儲民豐

九願五嶽各安其方巍巍包藏長為仙宮安

鎮國祚保天无終護度一切莫不仰宗

十願江海蕩蕩无極含容恢廓無細不植淵
奧乘惠潤加喘息天人獲慶年同劫石
十一願帝王國主日昌四鎮安睦兵革不揚
天人歌唱吉應來翔敷教濟濟威化揚揚
兆庶稱慶長樂未央

十二願蜎飛蠢動已生未生咸蒙安全普得
生成皆見元氣受陽之形草木果林經冬
不零一切濟度靡不鮮榮

存神燒香

香官使者左右龍虎君侍香諸靈官當令臣
午朝陞壇行道之所自然生金液丹碧芝英
百靈衆真交會在此香火爐前當令臣學道
得道求仙得仙齋官蒙福幽顯靈恩十方仙
童玉女接侍蘭煙傳臣向來所啓之誠速達
徑御

至真无極大道昊天玉皇上帝 御前

出堂頌

引至六幕

謝師

靈寶頌教濟度金書卷之一百九十五

靈寶領教濟度金書卷之一百九十六

洞微高士開光教苦真人冑金真授

靈寶通玄弘教水南先生林靈真編

科儀立成品安宅齋用

晚朝行道儀

啓堂頌

各禮師存念如法

衛靈

五星高耀瑞炁飛浮元始集神天地交周

玉符寶節嘯命微幽擲火揚威奸凶無留

萬魔振伏紛葩却消摧怪伐惡道炁周流

神光照夜陰翳俱收萬仙降格扇景衆飈

群生咸遂惠遍神州和與道合真

鳴法鼓二十四通

發爐

无上三天玄元始三炁太上道君太上老君

召出臣等身中三五功曹左右官使者左右

捧香驛龍騎吏侍香金童傳言散花玉女五

帝直符直日香官各三十六人出出者嚴裝

顯服冠帶垂纓闕啓玄壇天帝神君當召此

間土地方域神真臣今晚朝陞壇行道謹奏
爲入意其諸忱悃已錄告聞願得

太上十方至真道炁靈寶瑞光下降流入臣

等身中令臣所啓之誠速達徑御

至真无極大道昊天玉皇上帝御前

請稱法位

具位奉行五土齋醮法事小兆臣某與臨壇

官衆等謹同誠上啓

太上无極大道虛无自然元始天尊太上道

君太上老君昊天玉皇上帝南極天皇大帝

北極紫微大帝南極長生大帝東極青華大

帝后土皇地祇九天生神上帝三十二天上

帝五靈五老上帝上清十一曜真皇君南斗

六司真君北斗九皇真君二十八宿星君營

室虛危星君土公土吏蓋屋土司空星君辟

土宮弧矢星君泰玄樞機三省諸相真君北

極四聖真君三元三官帝君靈寶五師真君

九天諸司真君天曹諸司真君祖師列位真

君三洞四輔經籙法部諸省府院司仙靈將

吏五嶽五帝真君五天聖帝洞天福地靖慮

治化仙真主宰本靖祖玄真師真人經籍度
師真人北陰鄭都大帝水府扶桑大帝九壘

土皇君土府五方大帝南離北坎東震西兌

四西方隅禁忌神君本府本縣城隍司主者

當境土地里杜真官三界官屬一切威靈臣

聞元精混沌生天地以權輿至道杳冥立陰

陽而主宰凝化則亭毒萬有運行則周流六

虛囊括洪纖包羅今古虛无恍惚清微拱御

於網維妙有恢張玄都裁成於政令人列三

才之貴性爲萬物之靈分一炁以胚胎稟生

受命備衆形而變化葆妙凝真倘未離於塵

居固難潛於野處自乾震彰宮室之制而河

洛昭郊甸之方神實司之帝其鑒矣臣等叨

叅政柄濫握化機佩肘後之金書未明妙道

示囊中之玉訣誓暢玄宗既承敎向之勤盡

露懇祈之切爰有青詞謹當宣奏

宣詞

按如詞言情殫懇切齋主某詢謀梓匠經理

蓬居彈作室之辛勤覲克家之暇逸前營後

築五畝之宅歸然俯察仰觀九斗之宮儼若

處從摩役逮至成功塹鑿有冒於禁方葺構
或干於煞位卜年卜世雖期福衍於春秋練
日練時或恐青彰於歲月惟資天澤可慰民
情庸依空洞之真編式建虛皇之玉陛風清
龍尾千官之環珮錯如日近螭頭十極之旌
旄爛若肆觀紫金之相聿嚴碧玉之壇几奏
誠殫簡馳思霈願降穰穰之百福為消氛
之千災以今晚朝行道請法衆等運茲初捻
上香

願此香煙騰空徑上供養

无至上真道寶天尊_臣等皈身皈神皈命首
體投地仰依

太上三尊十方衆聖願以是功德上祝

皇帝陛下伏願聖邁義炎德高軒昊六龍飛
蹕混夷夏以提封八駿巡疆統山河而御宇

形掖著重明之_三青宮稟齊聖之資槐幄論
思榆闢決勝均佐半千之運共扶億萬之基

今故燒香自皈依

道尊大聖衆至真之德得道之後保天長存
和與道合真

以今晚朝行道請法衆等運茲二捻上香
願此香煙騰空徑上供養

至真无上經寶天尊_臣等皈身皈神皈命首
體投地仰依

太上三尊十方衆聖願以是功德皈流齋主

某伏願玉顏邁俗金骨儲仙三百六旬涕懽
聲而賀夏一十二紀襲喜氣以熙春松蘿之

日月長新桑梓之春秋益茂文獻聿綿於世
澤詩書克著於家聲今故燒香自皈依

經尊大聖衆至真之德得道之後永保長生

和與道合真

以今晚朝行道請法衆等運茲三捻上香

願此香煙騰空徑上供養

无至上真師寶天尊_臣等皈身皈神皈命首
體投地仰依

太上三尊十方衆聖願以是功德皈流三塗

五苦六洞十官苦爽因徒陰靈滯識伏願地

除簡對冰絕盟言刀化樹而劍為霽寒在陽

播水靜波而火息燄夜登朝明均登快樂之

鄉齊脫輪迴之境蛸蜺蠢動咸鼓舞於天機

人鬼龍仙晉贊襄於帝化今故燒香自皈依
師尊大聖衆至真之德得道之後昇入无形
和與道合真

禮方 懺方

三啓

樂法以為妻 愛經如珠玉 持戒制六情
念道遺所欲 澹泊正氣停 蕭然神靜默
天魔並敬護 世世享大福

又

鬱鬱家國盛 濟濟經道興 天人同其願
縹緲入大乘 因心立福田 靡靡法輪昇
七祖生天堂 我身白日騰

又

大道洞玄虛 有念無不契 煉質入仙真
遂成金剛體 超度三界難 地獄五苦解
悉歸太上經 靜念稽首禮

三禮

臣等志心稽首禮
太上天極大道

臣等志心稽首禮

三十六部尊經

臣等志心稽首禮

玄中大法師

重稱法位

具位奉行五土齋醮法事小兆臣某與臨壇官眾等謹重誠上啓

太上无極大道元始天尊太上道君太上老君十方无極大道道德衆聖天尊至真大帝天帝三十六部尊經玄中大法師土府太皇太始五帝中央戊己應感真靈臣聞天尊散

甄陶之化誕布慈風地祇持綱御之權承宣

化雨碧落界羅於五億黃輿機布於三千上

昭星宿之輝下列山川之壯悉根源於元始

祖炁咸宗本於无極真衆故三洞之玉笈宏

開而九清之金書丕暢濟度幽顯提拯人天

几彈蟻佃以飯依必錫鴻禧而普被無幽不

燭有感斯通今齋主某以積善之家築環堵

之室先猷克紹敢辭徒役之艱辛後業攸基

懼瀆神靈之旁午或因構材陶甃或因室坎

夷陵形勢所居填鑿是尚或的然三元之莫

避或空亡四向之有干或莫明吊替之方或

不辨報陞之位或昧貴人之逆順或觸直使

之飛行或修營有犯於禍神或造作潛干於

蠶命或符火之禁方興役或刑金之惡位興

工易致災殃曷臻福慶匪上資於帝渥莫下

慰於民情獅座端嚴不避再三之瀆鵬班肆

觀重摠萬一之忱覬鑒愚衷恪垂聖澤頒青

符於土下飛丹詔於地中龍虎鳥蛇之方提

封四正天地山風之象管領八維救陰然而

伏藏勒陽靈而效衛太歲爲衆神之主束縛

地祇中黃爲列籌之宗消除土炁方隅安鎮

龍虎承符庭戶無塵謁四時之佳景宗祧有

耀延百世之榮觀遂十三義象之經營圓九

五箕疇之志願公私泰定内外咸和蒙如丹

禱之勤允被洪休之澤上願玄黃清晏海嶽

凝澄同穎呈祥雙岐薦瑞仁風丕冒無操戈

挾矢之徒化日舒遲免竭澤焚林之公五穀

熟而人民有三光全而寒暑平普及含靈均

陶至化則上明

天尊大慈之化下副小臣皈向之誠謹啓以

聞

發願

一願大道流行溥天懷德

二願一切有生咸皆悟道

三願九夜悲魂一時解脫

四願孤魂無依咸得受生

五願天下太平五穀豐熟

六願臣忠子孝君仁父慈

七願四海會同冤親和釋

八願潜胞處卵咸得生成

九願積疾新病旋即痊愈

十願孤露衆生豐衣足食

存神燒香

香官使者左右龍虎君侍香諸靈官當令臣

晚朝行道之所自然生金液丹碧芝英百靈

衆真交會在此香火爐前令臣等學道得道

求仙得仙齊主蒙福幽顯霑恩十方仙童玉

女接待蘭煙傳臣向來所啓之誠速達徑御

至真无極大道昊天玉皇上帝御前

出堂頌

十一

二十

引至幕
謝師

靈寶領教濟度金書卷之一百九十六

靈寶領教濟度金書卷之一百九十七

一百九十八同卷

洞微高士開光教苦真人竊金真授

靈寶通玄弘教水南先生林靈真編

科儀立成品

安宅
新用

謝恩醮儀

燒香頌

各禮師存念如法

衛靈

五星高耀 瑞炁飛浮 元始集神 天地交周

玉符寶節 嘯命微幽 擲火揚威 好兇無留

萬魔振伏 紛葩却消 摧怪伐惡 道炁周流

神光照夜 陰翳俱收 萬仙降格 扇景乘颿

群生咸遂 惠遍神州 和與道合真

鳴法鼓二十四通

發爐

无上三天玄元始三炁太上道君太上老君
召出臣等身中三五功曹左右官使者侍香
金童傳言散花玉女五帝直符直日香客各
三十二人出出者嚴裝闢啓玄壇天帝神君
當召此間土地里域真官正神急上關啓臣

今奉爲入意以今陞壇設醮願得

玉清道炁靈寶妙光下降流入臣等身中即

使玄壇清淨內外成真天無氛穢地絕妖塵

琳琅振響十方肅清萬魔不干真誠上徹令

臣所啓之誠速達徑御

至真无極大道昊天玉皇上帝 御前

請稱法位

具位奉行五土齋醮法事小兆臣某與臨壇

官衆等謹同誠上啓

太上无極大道虛無自然元始天尊太上道

君太上老君昊天玉皇上帝南極天皇大帝

北極紫微大帝南極長生大帝東極青華大

帝后土皇地祇九天生神上帝三十二天上

帝五靈五老上帝三十六部尊經玄中大法

師上清十一曜真皇君南斗六司真君北斗

九皇真君二十八宿星君營室虛危星君土

公土吏蓋屋土司空星君辟土宮弧矢星君

泰玄樞機三省諸相真君北極四聖真君三

元三官帝君靈寶五師真君九天諸司真君

天曹諸司真君祖師列位真君三洞四輔經

錄法部諸省府院司仙靈將吏五嶽五帝真君五天聖帝洞天福地靖廬治化仙真主宰本靖祖玄真師真人經籍度師真人北陰鄧都大帝水府扶桑大帝九壘土皇君土府五方大帝南離北坎東震西兌四面方隅禁忌神君本府本縣城隍司主者當境土地里域具官三界官屬一切威靈臣聞圓方勢莫鴻濛凝高厚之精清濁稟殊混洞結陰陽之粹上列天星而錯落下羅地宿以包維無色無淵悉裁成於紫極有象有數盡總制於清微故凡版築之經營曹屬甄陶之主宰今縣官某肯堂肯構宜室宜家慮徒役之告圓有方維之凌犯建齋懺謝首過十華行道修持言功四極茲少殫於菲薦庸恪露於葵忱伏望清蹕傳聲丹靄逾韻玲瓏羽蓋離碧落以徘徊縹緲霓旌降紫虛而燁燁八遐之瓊輪驟乘六合之瑤輦翼轅普詣道場聽宣衷悃臣不勝瞻天望聖激切屏營之至謹稽首再拜奏請

請聖

三界衆真懸筵列聖通伸拜請諒沐光臨請各整於仙班共祇迎於帝馭

降九位

鸞輿至止鶴駕臨軒與醮衆真如儀朝禮朝禮既周請陞醮席齋主上香設拜初進酒初獻

重稱法位

具位臣某謹同誠上啓

三清上聖十極高真圓穹之仙聖真靈方域之曹僚主執三界內外一切真靈臣聞元始開圖灑八紘之法兩虛皇撫運疏九軌之慈靈林林莫挾於蒼生奕奕覆盆於赤子巢居穴處昭洪荒淳厚之風搢峙構衡彰未運澆浮之俗方維攸設禁界爰興昭昭明星俯靈輝而御政焚焚燄暗煞潛威悉以持鈞非上扣於德音曷下收於刑令今齋生某謀心生聚苦志修營興百堵以奠蠲廬相其原濕飭五材而協龜策食彼林泉爰鳩耆鍾之徒肆肇斧斤之役庶工兩集衆力雷同輪奐美哉率

藝茨之迄就版築備矣慶丹腹之有成練日修居涓辰爰處深慮相宅之經始爰暨作室之告終綿歷歲時周延疆界冒陽驪之旁午戾微鈞凌犯陰然之張皇杌氣鼓怒匪單釐於圓昊曷斂福於方垓齋按三天肅真靈而懺謝壇崇九地降仙聖以祈豫觀奉龍恩悉頌鶴社更潔蓬茅之陋庸彈蘋藻之誠瑟縮蕪章殷勤藤檟觀瞻於蟻惻庶微輅於鴻庥具有心詞謹當宣告

宣詞

詞旨具嚴仰塵淵聽九關虎豹曷騰景以階升八陛龍鸞偕淩風而樂奏日監企詢堯之德時欽瞻采菲之仁伏願聽卑不遺質旁有翼鑒丹誠於激切流洪福於便蕃雲斂九華秩玉醴金英而激響煙籠三秀漱瓊漿瑤饌以流明情見乎辭儀不及物臣無任激切屏營之至望闕謝恩謹當亞獻

亞獻

具位臣某謹重誠上啓
三清上聖十極高真圓穹之仙聖真靈方域

之曹僚主執三界内外一切真靈臣聞九星五行張經緯於天上四維八卦羅枝幹於地中上下交而逆順縱橫陰陽定而飛伏帛替龜圖啓秘衡萬井之災祥孤矢融玄權千家之機青觀形勢則去來指掌練時日則遐邇

謀心尙向背之乖宜則吉凶之殊應今齊主某仰慮辛勤考室激勵營家或夷淵實丘鑿陂池而斷地脉或崇陵室陷接岡隴而亘山源罔識禁方不知煞位或運甍式凌於五鬼或鳩材輕冒於九良金神鶴神恣掘除而莫避定命撞命任堆塚以弗思或選辰昧刑德之宜或涓時忘奇儀之向或精差月篇迺動土以遷延或詳辨星籌復興工而急切不思生免制化之理罔知報壓勝復之方上忤天元下妨地禁家分千指慮災挺於他時人聲一心冀祥開於異日敢資陶冶庸輅鈞衡伏願列聖憐懷萬靈扶佑察葵忱之激切鑒芥采之勤渠申飭靈曹勅威芒而退舍戒嚴真局進德曜以臨維曲原凌冒之無知普錫皈依之有造已犯者退凶千步神錫禎祥未犯

者襲吉一家星流福慶各鎮守於方隅毋凌撓於疆域即使齊主某舍宇光華歲常臻於喜氣門庭清貴時每衍於歡聲慶雲籠而長幼咸安景星粲而尊卑泰定壺天不夜公私永絕於風波福地長春内外悉安於日月千齡益茂百世其昌簪綬連榮近公侯之聚衆箕裘克紹慶孫子之綿綿樂事無涯家聲不墜蒙恪垂於鑒領實昭佩於恩光上願三極熙平四靈振耀風雲歲斂草木輝華絕紫塞飲馬之聲三邊息燧免黃龍遺蝗之警四野

終獻

送聖

臣謹重誠上啓

三清上聖十極高真十方無極大道道德衆聖天尊至真大帝天帝三十六部尊經玄中大法師土府太皇太始五帝中央戊己應感真靈咸望洪慈俯回洞鑒臣聞應天以實敢

殫饗上之儀事帝必恭爰露由中之禱曲荷玄網之蕩蕩幸究聖紀之巍巍依玉承家四魔煙滅斷金居室五炁雲行允昭從欲之仁式佩宣慈之化以今瓊釭焰冷寶鼎煙沉漏斷銅壺瞻玉杓之影轉聲搖翠瑩睇銀漢之光凝霄輝華羽蓋之旋夜炁湛霓旌之遽諸天復位萬聖迴轅臣等控挽無從攀留莫逐紫煙上下徒瞻紫炁於青冥碧霄後先敢企靈華於碧落臣下情不勝依戀之至謹稽首再拜奉送

迴轅頌

復爐

靈寶領教濟度金書卷之一百九十七